

Matxoelapijax carta, Juan Ielpox

Jesucristo majt waj-ax Diosxotsepox

¹ Xanal ampox lelx xamal matabijaliajwam akaseskolaxtat w^uajna chajia dukponliajwa. Japonlap Jesucristo. Akaseskolaxtat japon duk, ampathat is-esal w^utfuk. Hasta amw^utjelbej japon dukaf^ul. Japon kaen xaj^up jiw b^u'welialjwa, jiw pomatkoicha duilaliajwa Diosxotse. Tajut chiekal j^umtaenx, japon naksiya w^ut. Tajut chiekal taenxbej. Natachaemax japon is w^ut pachaempoxan. Tajut chiekal jachaxbej.

Samata, jiw naew^uajⁿax Jesucristo pejw^uajan. ² Japon ampathatat w^ut, xanalxot dukpon. Xanal japon taenx. Samata, naew^uajⁿax nejth^u'axtat taenxpoxan, j^umtaenxpoxanbej. Jesucristo majt waj-ax Diosxotse. Do jaw^ux, to'ason ampathatasik, dukaliajwapon, xanal s^uapich. ³ Xanal taenxpoxan, j^umtaenxpoxanbej, japoxan xamal naew^uajⁿax naexasisf^ulaliajwam, kaenejchaxoelaxliajwambej, xanal s^uapich. Xanal kaenejchaxoelax, waj-ax Dios s^uapich, Dios pax^ulan, paw^ulpon Jesucristo, s^uapichbej.

⁴ Samata, lelx ampox carta xamalliajwa, xamalbej chiekal nejchachaemlaliajwam, xanal s^uapich.

Dios itliakaxpox

⁵ Jesús jum-aech, jiw naewhajan wut: “Dios babijax is-el. Samata, japon, me-ama itliakax wut, ja-aechon. Itkhatax, jachi-elon” —aech Jesús, jiw naewhajan wut. Xanal tajut jumtaenx, japon naewhajan wut jiw. Samata, xamal japawhajan naewhajnafulax. ⁶ Xatis jumtis wut: “Xanal Dios naexasitx” —tis wut, pe nakiowa, isas wutfak babijaxan, jatis wut, nakiowa kichachajbapijwaxaes. Jatis wut, duila-xisal diachwhajnakolaxtat. ⁷ Pelax xatis isfulas wut pachaempoxankal, me-ama Dios isful pachaempoxankal, jatis wut, xatis, me-ama chiekal nakaewakolwas wut, jachiyaxaes. Jatis wut, Jesús, Dios paxulan, kaelel nakwepelsaxael babijaxan isaspoxan japon pejjal pijaxtat, tɔp xoton cruztat xatisliajwa.

⁸ Xatis jumtis wut: “Xatis babijaxan is-esal” —tis wut, diachwhajnakolax xatis wajut naekichachajbas. Japox jumtis wut, jumchi-esal diachwhajnakolaxpox. Ajilbej diachwhajnakolaxpox xatisxot. ⁹ Pe xatis babijaxan isaspoxan chapaeis wut Diosxot, Dios nakbeltaeyaxael babijaxan isaspoxanliajwa. Jasoxtat Dios nakbeltaeyaxael, japon pachaem xot xatisliajwa, me-ama japon jumdut. Puexa wajbabijaxan isaspoxan kaelel nakwepelsaxaelon. ¹⁰ Dios chajia jum-aech: “Puexa ampathatpijiw babijax isla-ele-el. Puexa jiw babijaxan ispikal” —aech Dios. Pelax jumtis wut: “Xatis is-esal babijaxan” —tis wut, diachwhajnakolax xatis naexasis-esal Dios jum-aechpox. Jatis wut, me-ama jumtis: “Dios kichachajbapijin” —tis asbuan jumch.

2

Jesucristo naksiyaxaelpox Diosxotse xatisliajwa

¹⁻² Xamal, Jesús pejw^uajan naexasisfulam xot, me-ama taxikola w^ut, ja-am. Xan lelx ampox carta babijaxan isasamatam. Asan aton nakiowa xamalxot babijax is w^ut, ja-aech w^ut, Jesucristo naksiyaxael Diosxotse, waj-ax Dios beltaeliajwa japon aton babijax ispoxlajwa. Jesucristo babijax is-el. Pe pajut natapaeipon asajiw kimatamatlaliajwas cruztat. Jasox ja-aechon babijaxan ispi Dios beltaeliajwas. Samata, Dios nakbeltaen, babijaxan isas w^ut. Jesucristo t^up w^ut, t^upa-el xatiskalliajwa. Japon t^upbej puexa ampathatpijiwliajwa.

³ Isfulas w^ut Dios tato'alpox, xatis matabijaxaes, diachw^uajnakolax xatis matabijas Dios. ⁴ Aton j^um-aech w^ut: “Xan Dios matabijtax” —aech w^uton, pe naexasis-el w^uton Dios tato'alpox, japon aton kichachajbapijin. Japon is-el Dios nejxasinkpoxan. Ja-aech w^ut, japon aton duka-el diachw^uajnakolaxtat. ⁵ Nejmach-aton chiekal naexasit w^ut Dios tato'alpox, japon xabich Dios nejxasink. Ja-aech w^ut, xatis matabijas, Dios s^uapich, kaeyax nejchaxoelspox. ⁶ Aton j^um-aech w^ut jiwliajwa: “Xan Dios naexasitx” —aech w^uton, japon chiekal dukaxael Diosliajwa. Me-ama Jesús chiekal duk pax Diosliajwa, jachiyaxaelbej japon aton, duk w^ut.

Pajeltato'laxpox

⁷ Takoew, xabich nejxasinkaxpim, lelx Dios tato'alpox xamalliajwa, xamal nakaewa

nanejxasinkaliajwam. Ampox pajeltato'laxael. Chajiakolaxtat xamal jumtaenam wut, naexasitam Jesucristo pejwajjan. Japatato'lax chajia xamal jumtaenambej. ⁸ Pe nakiowa, lel x pajeltato'lax wut, ja-an xamalliajwa. Diachwajnakolax Jesucristo naewajjan xamal nakaewa nanejxasinkaliajwam. Xamalbej naksiyam diachwajnakolaxpox. Samata, matabijam diachwajnakolaxpox. Me-ama itliakax xenaful itkataxxot, xamalbej ja-am.

⁹ Nejmach-aton jum-aech wut: "Xan dukx Dios pej-itliakaxtat" —aech wut, japon aton nejwesla wut asew jiw, Jesús pejwajjan naexasiti, japon aton, me-ama itkataxpijin wut, ja-aechon. ¹⁰ Aton nejxasinkpon Jesús pejwajjan naexasiti, japon aton dukaful itliakaxtat. Japon pajut natataeful babijax isasamata. ¹¹ Pe nejweslapon asew, Jesús pejwajjan naexasiti, japon aton, me-ama nanamt itkataxxot. Matabijs-elon fulaeyaxael poxade. Itkatax itliaklan, kiladofas xoton.

¹² Xan ampox lel xamal, Jesús pejwajjan naexasitampimliajwa. Dios beltaen xamal babijaxan isampoxanliajwa, Jesús tɔp xot nejbabijaxantat.

¹³ Xan lel xamal pakdiachwamliajwa, matabijam xot Jesucristo. Japon wajna duk, ampathat ajil wutfak. Lelxbej xamal pansiachwamliajwa, malecham xot dep pejpaklon Jesús pijaxtat.

¹⁴ Lelxbej xamal Jesús pejwajjan naexasitampimliajwa, matabijam xot waj-ax Dios. Lelxbej xamal pakdiachwamliajwa, matabijam xot Jesucristo. Japon duk akaseskolaxtat, ampathat ajil wutfak. Lelxbej xamal pansiachwamliajwa,

chiekal Dios xanaboejam xot, naexasisfulam xot-bej Dios pejjamechan, malecham xot dep pejpaklon Jesús pijaxtat.

¹⁵ ¡Nabej nejxasinke' ampathatpijahan! Ampathatpijahan nejxasinkpi, japi nejxasinkael waj-ax Dios. ¹⁶ Jiw is wut pajut isasiapoxan, babijahan, japoxan chaemil. Jiw xabich nejxasink wut asew jiw pejew, japoxanbej chaemil. Jiw pajutliajwa xabich naksiya wut, pejewliajwa, ispoxanbej, japoxanbej chaemil. Puexa ampathatat chaemilpoxan, japoxan Dios pijaxana-el. Japoxan ampathatpijaxankal. ¹⁷ Ampathat bijiat matatoepaful, babijahan suapich, jiw nejxasinkpoxan isfulaliajwa. Pe jiw isful wut Dios nejxasinkpoxan, ja-aech wut, duilaxaeli pomatkoicha Diosxotse.

Diachwajnakolaxxot, jaxot ajil kichachajbapox

¹⁸ Xamal, Jesús pejwajajan naexasitampim, matabijam mox pawajnapox that toepaliajwa. Xamal chajia jumtaenam Jesucristo padaelman pasaxaelpox. Ampamatkoiyan xabich nalaelful Cristo padaelmajiw. Samata, xatis matabijas diachwajnakolax mox pawajnapox that toepaliajwa. ¹⁹ Japi jiw nakola xatisxot. Samata, xatis matabijas japi jiw naexasis-eli Jesús pejwajajan. Japi naexasit wut Jesús pejwajajan, japi xatisxotaxael. Pe japi jiw chajia wut xatisxot, diachwajnakolax japi jiw wajjiwa-el.

²⁰ Puexa xamal chiekal matabijam, Cristo to'a Espíritu Santo xamal nejmatpuatanxotaliajwa. Japon xamal amwutjel kajachawaesful chiekal

matabijaliajwam diachwajnakolaxpox, diachwajnakolaxa-elpoxbej. ²¹ Xan lelx ampacarta xamal matabijam xot diachwajnakolaxpoxan. Lela-enil, xamal matabija-emil xot diachwajnakolaxpoxan. Xamal chiekal matabijam masox diachwajnakolaxan. Matabijambej masox diachwajnakolaxana-el. Japi jum-aech wut diachwajnakolaxpox, jaxot ajil kichachajbax. ²² ¿Achankat kichachajbapijin? Kichachajbapijin, japon jum-aechpon: “Jesús Dios paxulan-el. Jesús Mesías-elbej” —aechpon. Japonbej Jesucristo padaelman. Japon naexasis-el Dios, Dios paxulanbej. ²³ Nejmach-aton naexasis-el wut Jesús, japon Dios paxulanpon, japon atonbej naexasis-el Dios. Pelax nejmach-aton jum-aech wut: “Jesús Dios paxulan” —aech wut, japon atonlax Dios naexasit.

²⁴ Samata, ¡chiekal naexasisfulde chajia akaseskolaxtat jumtaenampoxan! Ja-amsfulam wut, kaes chiekal xanaboejaxaelam Jesús, japon paxbej. ²⁵ Jesucristo chajia jumdut pomatkoicha duilaxaesopox japonxotse.

²⁶ Xan ampox lelx xamal chiekal matabijaliajwam, masi jiw xamal naekichachajbasia. ²⁷ Pelis xamal nejmattruatanxot Espíritu Santo, Jesucristo to'akpon. Samata, xamal wewe'pa-el asew jiw xamal chanaekabuanaliajwa, Espíritu Santo pajut chiekal chanaekabuanaful xot, puexa isaxaelampoxanliajwa, xamal matabijaxaelampoxanliajwabej. Espíritu Santo pejnaewuajnax diachwajnakolax. Japanaewuajnax kichachajba-el. Samata, ¡xanaboejim Jesucristo! ¡Nabej kofe! ¡Isfulde Espíritu Santo naewuajanpoxan!

28 Xamal, Jesús pejwɥajan naexasitampim, ɨchiekal xanaboejim Jesucristo! Ja-amsfulam wɥt, duilafulaxaelam nejlewla-elaxtat, hasta Jesús pejme pask wɥt. Japamatkoitat xamal nadalaxil Jesús pejwɥajnael. 29 Xamal chiekal matabijam Jesús xabich pachaempon. Japonbej is pachaempoxan. Samata, matabijaxaes, jiw is wɥt pachaempoxan, japi diachwɥajnakolax Dios paxi.

3

Jesús pejwɥajan naexasiti, japi Dios paxipox

1 Waj-ax Dios xabich naknejxasink. Samata, Dios nakwɥlduw Dios paxis. Diachwɥajnakolax xatis Dios paxis. Ampathatpijiw matabija-el Dios. Samata, japi jiw xatisbej nakmatabija-el.

2 Takoew, xabich nejxasinkaxpim, amwɥtjel diachwɥajnakolax Dios paxis. Pe wajut chiekal matabija-esalfuk wajbɥ'an asamatkoi nakwemachiyaxaelpox, tɥps wɥt. Xatis japox matabija-esal, Dios nak-itpae-elxotfuk. Pe nakiowa, matabijas, Jesucristo pejme pasaxoek wɥt, xatis japon taeyaxaes. Japamatkoitat wajbɥ'an, me-ama Jesucristo pejbɥ't wɥt, jachiyaxael kaenanɥla wajbɥ't. 3 Jesucristo pomatkoicha pachaempon. Is-elon babijax. Samata, kaenanɥla Jesucristo pejwɥajan naexasichpis, chiekal duilafulaxaes. Me-ama japon, is-el babijax, jachiyaxaesbej xatis.

4 Puexa jiw babijaxan ispi, japi jiw is babijaxan Diosliajwa, Dios nejxasinka-elpoxan. 5 Xamal matabijam. Jesucristo pask ampathatasik babijaxan isaspoxan nakwepelsliajwa kaelel.

Pe japon pajut babijax is-el Diosliajwa. ⁶ Samata, xanaboejapi Jesús, japi is-el babijaxan. Pelax jiw babijaxan isfulpi, japi jiw matabija-el Jesucristo. ⁷ Xamal Jesús pejw^uajan naexasisfulam xot, me-ama taxikola w^ut, ja-am. ¡Nabey tapae' asew jiw xamal naekichachajbaliaw! Jesucristo pomatkoicha pachaempon. Japon is-el babijax. Samata, xamalxot isfulpi pachaempoxan, japi, me-ama Cristo w^ut, ja-aechi. ⁸ Satanás, dep pejpaklon, chajiakolaxtat babijax isful. Kofs-elon babijaxan ispoxan. Amw^utjel nakiowa isfulbejpon babijaxan. Jiw, babijaxan ispi, japi Satanás pejjiw. Samata, Jesucristo, Dios paxulan, pask ampathatasik toesliajwapon Satanás ispoxan.

⁹ Dios pejjamechan naexasiti isfula-el babijaxan, japi Dios paxi xot. Diachw^uajnakolax japi Dios paxi. Samata, isfulaxili babijaxan. ¹⁰ Xatis chiekal matabijas, jiw isful w^ut pachaempoxan ampathatat, japilap Dios paxi. Xatis chiekal matabijasbej, jiw isfula-elpi pachaempoxan, nejxasinka-elpibej asew jiw, japilap Dios paxi-el. Japilap Satanás paxi.

Dios paxipi nakaewa nanejxasinkpox

¹¹ Ampnaew^uajnax xamal chajia jumtaenam. Nakaewa nanejxasinkas w^ut, me-ama wajkoewkola nejxasinkas w^ut, jchiyaxaes asew jiwliajwa! ¹² Xatis, me-ama wajw^uajnapijin, Caín, jchiyaxisal. Wajw^uajnapijin, Caín, babejenpon Satanás pijaxtat. Samata, boesapon pakoewan, Abel. ¿Ma-aech xotkaton pakoewan boesa? Abel ispoxan pachaem xot Diosliajwa, japoxliajwa

Caín pakoewan boesa. Caín japoxan taen wut, xabich nusasiawalpon pakoewan Abelliajwa. Caín nejwesla pakoewan. Samata, boesapon pakoewan.

¹³ Takoew, ampathatpijiw jasoxtat xamal nejwesla wut, jnabej nejchaxoelanuile' japoxliajwa! ¹⁴ Xatis matabijas. Majt xatis Diosliajwa, me-ama tɔpspis wut, jatis, isfulas xot babijaxan. Pe Jesús pejwɔajan naexasich wut, kofasbej babijaxan isaspoxan. Samata, duilaxaes pomatkoicha Diosxotse. Xatis chiekal matabijas japox diachwɔajnakolaxpox, nejxasinkas xot wajkoew, japi naexasiti Jesús pejwɔajan. Asew xamalxot nejwesla wut asew jiw, Jesús pejwɔajan naexasiti, japi jiwfuk, me-ama patɔpa wut, ja-aechi Diosliajwa. ¹⁵ Jiw, nejwesla wut asew jiw, japi, me-ama jiw beow. Xamal chiekal matabijam, jiw bapi asew jiw, japi duilaxil Diosxotse. ¹⁶ Jesucristo tɔp xot cruztat xatisliajwa, xatis chiekal matabijas, machiyaxaes, nejxasinkas wut asew, Jesús pejwɔajan naexasiti. Xatisbej jachiyaxaes. Naknejsesit wut tɔpaliajwas, jɔpaxaes kajachawaesliajwas wajkoew! Japi xabich xatis nejxasinkas xot, jachiyaxaes japox. ¹⁷ Jesús pejwɔajan naexasitpon, kimaeyan wut, pe japon kajachawaes-el wut asew, Jesús pejwɔajan naexasiti, japi xabich wewe'pas wut kajachawaesax, kajachawaes-el wɔton, japon itpaei nejxasinka-elpox japi jiw. Me-ama Dios nejxasink asew jiw, jachi-el japon kimaeyan. ¹⁸ Takoew, xamal jɔm-an ampox. Wajnejxasiyax asew jiwliajwa, jɔmchiyaxisal chimiajamechankal. Kajachawaech wut asew

jiw, Jesús pejiwajaan naexasiti, jatis wut, itpaeis diachwajaanakolax xatis nejxasinkaspox japi jiw.

Dios paxi, padala-elpox Diosliajwa, japi pachaem xot

¹⁹⁻²⁰ Asew jiw nejxasinkas wut, Jesús pejiwajaan naexasiti, jatis wut, xatis matabijas, xatis isas Dios nejxasinkpox.

Pe babijax isaspoxliajwa xabich nejchaxoe-lafulas wut, nejchaemilas wutbej, ja-aech wut, nakiowa pachaemsfuk Diosliajwa. Dios kaes pejme pachaem. Me-ama xatis, jachi-el Dios. Puexa pajut matabijton xatis isaspoxanliajwa. ²¹ Takoew, xatis chiekal matabijas wajbu'wajaan jisalpox Diosliajwa. Jatis wut, chiekal matabijas chiekal pachaemspox Diosliajwa. ²² Dios nakchaxduiyaxael puexa wujowspoxan, naexasisfulas xot japon tato'alpoxan, isas xotbej japon nejxasinkpoxan. ²³ Dios nakto'a xatis naexasisfulaliajwas Dios paxulan Jesucristo pejiwajaan. Dios nakto'abej nakaewa nanejxasinkafulaliajwas. ²⁴ Dios tato'alpox naexasisfulpi, japi jiw chiekal xanaboejaful Dios. Diosbej chalafulas japi jiw. Dios to'ak Espiritu Santo wajmatpwatanxotaliajwa. Samata, chiekal matabijas Dios nakchalafulpox.

4

Amxot jum-aechpox, ma-aech jiw duil wut pejiwmatpwatanxot Espiritu Santopi

¹ Takoew, xamal xabich nejxasinkaxpim, jichiekal xan nanaewe'e! Xabich profetakola-eli, japi ampathatpijiw naekichachajbaful. Samata,

najut natataeflam wut, ¡chiekal natataeflafulde! Asew jiw pajutliajwa najum-aech wut: “Espíritu Santo jum-aech xanalliajwa. Samata, xanal japoxan jum-an xamalliajwa” —aech wuti, ¡xamal kamta nabej naexasis japox! ¡Majt chiekal taem, diachwajnakolax japi jiw naewhajan wut Diosliajwa! ² Ja-am wut, xamal chiekal matabijaxaelam, japi diachwajnakolax jum-aech Espíritu Santo pijaxtat. Jum-aech wuti: “Diachwajnakolax Jesucristo pat wut ampathatat, naelton kaeow atowtat. Me-ama yamxi ampathatat naela wut, ja-aech, Jesucristo naelt wut ampathatat” —aech wuti, japi jiw diachwajnakolax jum-aech Espíritu Santo pijaxtat. ³ Asewlax jum-aech wut: “Jesús Dios paxulna-el” —aech wuti, japi jiw Espíritu Santo chala-esal. Dios pejjiwa-elbejpi. Japilax dep pijaxtat naksiya. Samata, japi Cristo padaelmajiw. Xamal chajia jumtaenam Jesucristo padaelman pasaxoekpox. Pelis Jesucristo padaelman ampathatatlison.

⁴ Xamal naexasitampim Jesús pejwhajan, Dios pejjiwampim. Espíritu Santo xamalxotpon, japon kaes pejme mamnik. Me-ama Cristo padaelman ampathatat, jachi-el Espíritu Santo. Samata, xamal malecham naekichachajbapijiw, naexasis-emil xot japi naewhajanpoxan. ⁵ Japi ampathatpijiwkal. Samata, naksiyaful ampathatpijaxankalliajwa. Japi jiw naewhajan wut, ampathatpijiwkalpi chiekal naewech japi naewhajanpoxan. ⁶ Pe xatislax Dios pejjiws. Samata, Dios pejjamechan naexasiti naewhajnas wut, chiekal naknaewet wut, naexasitbejpi. Asewlax, Dios

pejjiwa-elpi, naknaewes-el, naewuajnas wut Dios pejjamechan. Naexasis-elbejpi. Ja-aech wut, matabijas, masi jiw, pejmatpuatanxot Espiritu Santo. Ja-aech wut, matabijasbej, masi jiw nae-kichachajbapijiw.

Jiw nakaewa nanejxasinkaxaelpox, Dios xabich nejxasink xot pejjiw

⁷ Takoew, xamal nejxasinkaxpim, Dios pajut xatis nakkajachawaet asew jiw nejxasinkaliajwas. Samata, nakaewa nanejxasinkakulaxaes. Nejmachjiw nejxasinkpon, japon Dios paxulan. Japon aton chiekal matabijtbej Dios. ⁸ Dios puexa jiw nejxasink. Nejxasinka-elpon asew jiw, japon aton Dios matabijs-el. ⁹ Dios to'ak wut kaekolan paxulan ampathatasik, japox is wut, Dios nakitpaei pejnejasixax xatisliajwa. Samata, naexasich wut Jesús pejwuajan, xatis pomatkoicha duilaxaes Diosxotse. ¹⁰ Dios jasox is wut, nakitpaeipon nejxasiyax diachwuajnakolaxpox. Dios to'ak kaekolan paxulan, japon tupaliajwa cruztat nakwemosliajwapon babijaxan isaspoxanliajwa. Xatis nejxasinkaspox Diosliajwa xabicha-el. Me-ama Dios naknejxasinkpox, jachi-el wajnejxasiyax Diosliajwa.

¹¹ Takoew, xamal nejxasinkaxpim, jasoxtat xatis Dios naknejxasink xot, nakaewa chiekal nanejxasinkde kaenanula! ¹² Xatis wajut tae-esal Dios. Pe nakiowa, xatis nakaewa nanejxasinkas wut, jatis wut, jiw chiekal matabija Dios nakchalafulpox xatis. Jatis wut, jiw chiekal matabijabej Dios pejnejasixax kaesfulpox xatisxot. ¹³ Dios to'ak Espiritu Santo

wajmatp_uatanxotaliajwasik xatis wajut chiekal matabijaliajwas Dios pajut nakchalafu_lpox.

¹⁴ Xanal tajut taenx Dios paxulan. Japoxlap asew jiw chapaeixbej, waj-ax Dios paxulan to'akpox ampathatasik japon bu'welialjwa ampathatpijiw.

¹⁵ Aton, jum-aechpon: “Jesúslap, Dios paxulan” —aechpon, japon diachwuajnakolax Dios xanaboejsfu_l. Japon aton Dios chalafulas ampathatat.

¹⁶ Do ja-aech wut, xatis chiekal matabijas Dios naknejxasinkpox. Jawutbej, chiekal xanaboejas Dios pejnejxasiyax. Jiw, nejxasinkpi Dios, japi jiw diachwuajnakolax Dios chiekal xanaboejafu_l. Japi Dios chalafulasbej. ¹⁷ Jasoxtat Dios pejnejxasiyax xatisxot kaesfu_l. Samata, wajlew_laxil, Dios kastika wut jiw babejchow. Xatis wajlew_laxilbej, chiekal matabijas xot, xatis nakaewa nanejxasinkas, me-ama Jesús naknejxasink. ¹⁸ Jiw nakaewa nanejxasink wut, jaxot ajil pejl_uwax. Poklanejxasiyaxxot, jaxot atuaj pejl_uwax. Jiw pejl_uwla wut, japi pejl_uwla, chiekal matabija xoti kastikaxaes_upox. Samata, nejmach-aton pejl_uwla wut, japonfuk chiekal nejxasink-el asew jiw.

¹⁹ Dios matxoela naknejxasink xatis. Samata, amwutjel xatisbej japon nejxasinkas. ²⁰ Aton jum-aech wut: “Xan Dios nejxasinkax” —aech wuton, pe japon asew jiw nejxasinka-el wut, japon kichachajbapijin. Japon aton nejxasinka-el wut asew jiw, taenpi, japon nejxasinka-elbej Dios, taeyaxisalpon. ²¹ Ampoxlap Jesucristo xatis nakjum-aech: “iDios nejxasinkpi, japi jiw nejxasinkbej asew jiw!” —aech Jesús xatisliajwa.

5

Jesús pejwɥajan naexasiti isaxilpox babijaxan, ampathatpijiw isfulpoxan

¹ Puexa jiw nejchaxoel wɥt, jɥm-aech wɥti Jesúsliajwa: “Japon Mesías, Dios to'ason” —aech wɥti, japi jiw Dios paxi nadofa. Aton nejx-asink wɥt asan aton, japon nejxasinkbej japon paxi. ² Samata, xatis waj-ax Dios nejxasinkas wɥt, isas wɥtbej Dios naktato'alpoxan, jatis wɥt, chiekal matabijas, xatis nejxasinkaxaes Dios paxipi. ³ Xatis Dios nejxasinkas wɥt, naexasisaxaesbej japon tato'alpoxan. Japoxan xabich tampoela-el xatis naexasisliajwas. ⁴ Puexa Dios paxipi, japi jiw duilafɥlaxael Dios pejkajachawaesaxtat babijax isasamata ampathatat, japi chiekal Dios xanaboejafɥl xot. ⁵ Naexasisfulpi Jesús, Dios paxɥlanpon, japi jiw isaxil ampathatpijiw isfulpoxan, babijaxan.

Jesucristo Dios paxɥlanpox

⁶ Jesucristo nalaelt ampathatat. Do baxael, jiw chiekal matabijaspon, japon Dios paxɥlanpon, bautisas wɥton mintat, tɥp wɥtbejpon cruztat. Jaxot japon pejjal nakola. Samata, bautisaxkalael. Boesasbejpon. Espíritu Santo pajut jɥm-aechbej, achan japon. Espíritu Santo jɥm-aech diachwɥajnakolaxpoxkal. ⁷⁻⁸ Jiw chiekal matabija Jesucristo diachwɥajnakolax Dios paxɥlanpon, japonliajwa Espíritu Santo japox jɥm-aech xot, bautisas xotbej mintat, tɥp xotbejpon cruztat. Japanejchaxoelaxan, tres nejchaxoelaxanliajwa, jiw chiekal matabija diachwɥajnakolax Jesucristo Dios paxɥlan.

9 Jiw jum-aechpox, diachwajnakolax wut, xatis japox naexasich. Pe kaes pejme naexasich Dios jum-aechpox, pachaem xot naexasisliajwas. Samata, naexasisfulas Dios nakjum-aechpox paxulanliajwa. ¹⁰ Jiw naexasiti Dios paxulan pejwajajan, diachwajnakolax japi jiw naexasit Dios jum-aechpox. Pelax jiw naexasis-eli Jesús pejwajajan, japon Dios paxulanpon, japi jiw nejchaxoel Diosliajwa: “Dios naekichachajbapijin” —aechi, nejchaxoel wut, naexasis-el xoti Dios jum-aechpox paxulanliajwa. ¹¹ Dios jum-aech ampo: “Xan jiw kajachawaetx taxulan pijaxtat pomatkoicha duilaliajwa xanxot. ¹² Taxulan pejwajajan naexasiti, japi pomatkoicha duilaxael xanxot. Pelax asew jiw, taxulan pejwajajan naexasis-elpi, japi duilaxil xanxot” —aech Dios.

Taxdukanaewajanaxan ampacartatat

¹³ Xan ampawajajan lel xamal naexasitampimliajwa Dios paxulan, chiekal matabijaliajwam pomatkoicha duilaxaelampox Diosxotse.

¹⁴ Xatis chiekal Dios xanaboejas, matabijas xot, Dios naknaewet, xatis kawajnas wut, me-ama Dios nejxasink. ¹⁵ Xatis chiekal matabijas, Dios nakjumtaen, kawajnas wut. Samata, Dios kawajnas wut, chiekal matabijasbej Dios nakchaxduiyaxaelpox, wuljows wut kawajnaxtat.

¹⁶ Taenam wut, Jesús pejwajajan naexasiti babijaxan is wuti, japijiajwa Dios kawajande! Dios

kawuajnam wut, japi Dios kajachawaesaxaes kofaliajwa babijaxan ispoخان. Ja-aech wut, pomatkoicha duilaxaeli Diosxotse. Pe asax babijax xabich kaes chaemil. Japox jiw is wut, diachwuajnakolax napelsaxaeli Diosliajwa pomatkoicha. Xamal taenam wut, asey, Jesús pejwuajan naexasiti, japox babijax is wuti, xabich chaemilpox, xan jumchi-enil: “¡Dios kawuajande japiliajwa!” —chi-enil. ¹⁷ Puexa babijaxan jiw is wut, japoxan chaemil Diosliajwa. Puexa japoxan Dios nejwesla. Pe puexa japababijaxan is wuti, japi jiw napelsaxil.

¹⁸ Chiekal matabijas ampoخ. Waj-ax Dios paxipi isfulaxil babijaxan, Dios paxulan, Jesucristo, tataeflas xot japi jiw. Samata, Satanás, dep pejpaklon, machiyaxil japi jiw tabejsliajwapon. ¹⁹ Xatis chiekal matabijas, Dios paxispis. Chiekal matabijasbej Satanás tato'alpox ampathatpijiw. ²⁰ Xatis chiekal matabijasbej, Dios paxulan pask wut, japon nakkajachawaetbej xatis chiekal matabijaliajwas Dioskolan. Samata, xatis kaeyax nejchaxoels, Jesucristo suapich. Japon diachwuajnakolax, Dios paxulankolan. Nakkajachawaetbejpon xatis pomatkoicha duilaliajwas, japon pajut duk xot pomatkoicha. ²¹ Xamal naexasitpim Jesús pejwuajan, ¡chiekal najut nataefulde ídolos kawuajnasamatam! ¡Kawuajnafulde kaen Dioskal!

Pajelwaajan Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files
dated 29 Jan 2022
809259d4-ca58-5124-9a05-fd84078a3de3